



Republika e Kosovës
Republika Kosova
Republic of Kosovo

REPUBLIKA E KOSOVES
KUVENDI I KOMUNES/SHKUPSTINA OPSTINE
Municipality of Skenderaj

Nr.
No. 01-060/01-0040435/25
Data
Data 10. 09. 2025



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 43 të Ligjit Nr.03/L-040 për vetëqeverisje lokale, nenit 37 paragrafi 1,3 të Statutit të Komunës së Skenderajt Nr.01-110-385 të datës 03.12.2008, nenit 27 të Rregullores të punës së Kuvendit, dhe në pajtim me rregullat e procedurës.

Ekstrat nga procesverbal i mbledhjes së **KOMITETI PËR POLITIK E FINANCAT**, i mbajtur me datë **21.07.2025**, në ora **10:00**, në sallën e bordit të drejtorëve.

Në këtë mbledhje janë diskutuar këto pika:

1. Fjala hyrëse;
2. Miratimi i rendit të ditës;
3. Shqyrtimi i procesverbalit nga mbledhja e kaluar;
4. Shqyrtimi i Raportit financiar gjashtëmujor janar-qershor 2025, me Nr.04-052/01-0026961/25, të datës 09.07.2025, (Raporton drejtori i DBF-së, **z. Ismet Aliu**);
5. Shqyrtimi i Raportit të auditimit për Pasqyrat Financiare Vjetore të Komunës së Skenderajt për vitin 2024, me Nr.04-47-1123/1, të datës 26.06.2025, si dhe Plani i veprimit për zbatimin e rekomandimeve të auditorit të jashtëm, me Nr. 04-052/01-0026963/25, i datës 09.07.2025, (Raporton drejtori i DBF-së, **z. Ismet Aliu**);
6. Propozim-vendim për themelimin e poliklinikës specialiste në kuadër të QKMF-së në Komunën e Skenderajt, me Nr.02-351/01-0026564/25, të datës 10.07.2025, (Raporton U.d. i Drejtorit të QKMF-së në Skenderaj, **z. Ilir Havolli**);
7. Propozim-vendim për miratimin e raportit përfundimtar, Nr. 09-052/01-0026407/25, i datës 07.07.2025, i hartuar nga komisioni komunal për vlerësimin e dëmeve, si pasojë e fatkeqësive natyrore si (cra, zjarri), për periudhën janar-qershor 2025, me Nr.02-052/01-0027799/25, i datës 11.07.2025, Raporton drejtori i DSHP-së **z.Alban Shala**);
8. Të ndryshme.

Kryesuesja e kuvendit znj. Adelina Spahiu: Të nderuar anëtar KPF-së, drejtor të drejtorëve, në këtë mbledhje i kemi 5 anëtarë, Besiana Thaçi bashkëngjitet gjatë mbledhjes.

Vazhdojmë me miratimin e rendit të ditës, e hap debatin, nëse nuk ka, konstatojmë me (5) vota për, (0) kundër dhe (0) abstenim, miratohet Rendi i ditës.

-Vazhdojmë me miratimin e procesverbalit nga mbledhja e kaluar, e hap debatin, nëse nuk ka, Besiana Thaçi është bashkëngjitur mbledhjes, konstatojmë me (6) vota për, (0) kundër dhe (0) abstenim, miratohet Procesverbalit nga mbledhja e kaluar:

Vazhdojmë me piken 4 të rendit ditës:

-Shqyrtimi i Raportit financiar gjashtëmujor janar-qershor 2025, me Nr.04-052/01-0026961/25, të datës 09.07.2025, (Raporton);

Drejtori i DBF-së, Ismet Aliu: Fjala përshëndetëse, para vetes e keni, Raportit financiar gjashtëmujor janar-qershor 2025, është raport i rregullt sipas ligjit, ky raport përcakton shpenzimet e buxhetit në këtë gjashtë mujorë, si buxhet shtesë në këtë gjashtë mujorë i kemi pas 194,930.63€, të hyra të bartura nga viti i kaluar, dhe tani i kemi në shpenzim gjatë vitit aktual nen menaxhim 20,076,401.63€, ky buxhete në këtë gjashtë mujorë është shpenzuar në 53.92%, në Paga dhe shtesa 51.28%, Mallra dhe shërbime 61.53%, Shërbime komunale 54.79%,

Subvencione 61.19%, dhe Shpenzimet komunale 53.49%. Të hyrat komunale janë të realizuara në 42.83%, në Kategorinë e mallrave dhe shpenzimeve janë shpenzuar 1,808,347.03€, po me vendime gjyqësore nga kjo kategori janë shpenzuar 285.925.76€, që 15% e këtij shpenzimi ka ndodhur me vendime gjyqësore. Projektet kapitale i kemi në fq.10 të planifikuar, të shpenzuar sipas planit, në 53.49%, po 750,751.35€ janë shpenzuar me vendime gjyqësore nga kategoria e projekteve kapitale. Në fq.12 i kemi shpenzimet sipas programeve drejtorive dhe zyrave, kush ka pyetje jam këtu për përgjigje.

Kryesuesja: E hap debatin, nëse nuk ka, shkojmë në votim, konstatojmë me (4) vota për, (0) kundër dhe (2) abstenim rekomandohet për kuvend për përkrahje Shqyrtimi i Raportit financiar jashtëmujor janar-qershor 2025, me Nr.04-052/01-0026961/25, të datës 09.07.2025.

Vazhdojmë me piken 5 të rendit ditës;

-Shqyrtimi i Raportit të Auditimit për Pasqyrat Financiare Vjetore të Komunës së Skenderajt për vitin 2024, me Nr.04-47-1123/1, të datës 26.06.2025, si dhe Plan i veprimit për zbatimin e rekomandimeve të auditorit të jashtëm, Nr. 04-052/01-0026963/25, i datës 09.07.2025, (Raporton)

Drejtori i DBF-së, Ismet Aliu; Raportit të Auditimit për Pasqyrat Financiare Vjetore të Komunës së Skenderajt për vitin 2024, e kemi marr me kohë dhe janë të gjeturat dhe rekomandimet që janë dhënë, kemi ndryshime edhe në opinion, rezultat në vendime gjyqësore në kontrata kolektive kanë ndikuar jo vetëm të na, po edhe shume komuna tjera të i ulet opinionin, këna pas gjithë opinion të pamodifikuar tani kemi opinion të kualifikuar. Janë 6 të gjetura të reja që janë të cekura në raporte, 4 janë rekomandime të përsëritura dhe një është i përsëritur pjesërisht. Kryetari ka formua grupin punues për hartimin e planit të implementimit të këtyre rekomandimeve që janë përgjegjës të cilët i ka atakua raportit, ky plan i implementimit të rekomandimeve i është dorëzuar ZKA-së që është i bashkangjitur materialit, kush ka pyetje jam këtu për përgjigje.

Kryesuesja: E hap debatin, nëse nuk ka, shkojmë në votim, konstatojmë me (4) vota për, (0) kundër dhe (2) abstenim rekomandohet për kuvend për përkrahje Shqyrtimi i Raportit të Auditimit për Pasqyrat Financiare Vjetore të Komunës së Skenderajt për vitin 2024, me Nr.04-47-1123/1, të datës 26.06.2025, si dhe Plan i veprimit për zbatimin e rekomandimeve të auditorit të jashtëm.

Vazhdojmë me piken 6 të rendit ditës;

-Propozim-vendim për Themelimin e poliklinikës specialistike në kuadër të QKMF-së në Komunën e Skenderajt, me Nr.02-351/01-0026564/25, të datës 10.07.2025, (Raporton);

U.d. i Drejtorit të QKMF-së në Skenderaj, Ilir Havolli; Fjala përshëndetëse, duke u bazuar në nevojat e shtuar për shërbime specialistikë mjekësorë në komunën tonë, si dhe interes në përmasimin e qasjes së qytetarëve në shërbime cilësore gjithëpërfshirëse, ne e kemi dërgua një kërkesë për themelimin e poliklinikës specialistikë, dhe sot kësaj kërkesë po ja shtojmë edhe një kërkesë për hemodializës në kuadër të kujdesit shëndetësor publik. Arsyeimi i kësaj kërkesë është, numri i lartë i specialistëve duke u bazuar në vitin 2024 kemi gjithsej 6167 referime specialistike jashtë komunës tonë, dhe 3537 raporte spitalore, që gjithsej 10 mijë kërkesa për shërbime specialistike. Prandaj ne kërkojmë që kjo poliklinikë të themelohet, dhe të dërgojmë këtë vendim në MSH, dhe të marrim dritën jeshile nga ministria, dhe shpenzimet janë zero që faktikisht realizohen përmes buxhetit të qeverisë. Kur jemi të hemodializa ne i kemi 9 raste të cilët i transportojmë në Runik, Qubrel, Qirez, ku i kemi dy autoambulanca, ku njëra brenda muajt i realizon 2800km dhe tjetra 3000km dhe ne total është një kosto financiare e lartë.

Kryesuesja: E hap debatin, fjalën ja kaloj:

Mentor Mehmeti-PDK: Fjala përshëndetëse, faleminderit që e keni sjellë këtë pikë, është me së e nevojshme për qytetaret që kanë nevojë për raporte specialistike, mua me intereson cilat drejtime specialistike hynë në kuadër të kësaj poliklinike? Dhe pajisjet a ekzistojnë a janë të mjaftueshme në QKMF, që këto shërbime të kryhen në momentin kur personi ka nevojë për drejtime adekuate?

Kryesuesja: Fjalën ja kaloj;

U.d. i Drejtorit të QKMF-së në Skenderaj, Ilir Havolli: Në momentin kur realizohet kjo poliklinik edhe e marrin vendimin nga MSH, neve na lejohet ti ofrojmë 16 shërbime specialistike, ne kishim ofrua shërbime specialistike primare dhe esenciale, hemodializa e deri të shërbimet tjera që janë të nevojshme imediatë për qytetarin. Të aparature, në momentin që MSH e nxjerr vendimin atëherë reparti i kalon komunës SKUK-së dhe ajo e pajise me aparaturë poliklinikën, përmes donatorëve të ndryshme etje etje.

Kryesuesja: Fjalën ja kaloj;

Mentor Mehmeti-PDK: A keni me pas kardiolog, endokrinolog, dermatolog apo çfarë profilesh ka me pas?

Kryesuesja: Fjalën ja kaloj;

U.d. i Drejtorit të QKMF-së në Skenderaj, Ilir Havolli: Në kemi pas imediatë në komunën tonë është kardiologu, ortopedi, fiziatr, kur jemi të fiziatrit ne e kemi futur në plan program për vitin 2026, ju e dini së ekziston gjinekologjia në QKMF, po tani me udhëzimin e kujdesit parësor shëndetësor nuk lejohet një gjë e tillë, është e pa prekur edhe shumë shërbime tjera, e kemi polmologjin ku ka funksionuar në të kaluarën tash nuk kemi si shërbim, e kemi një specialist të polmologjisë që ende nuk është i kyqyr dhe ka vullnet me u kyq.

Kryesuesja: Fjalën ja kaloj;

Mentor Mehmeti-PDK: Në material kisha kërkuar që të vendosen këto informacione shtesë, për shkak së me ditë asamblistit kur të prezanton në asamble sepse është i mangët materiali.

Alketa Mecini-IDEAL: Fjala përshëndetëse, thatë se e kemi një specialist të polmologjisë, qysh e keni atë?

Kryesuesja: Fjalën ja kaloj;

U.d. i Drejtorit të QKMF-së në Skenderaj, Ilir Havolli: Ne shkojmë si poliklinik specialistike dhe me hemodializ, dhe gjitha materialin ka me vendos. Specialisti i polmologjisë është jashtë QKMF-së aj punon privat, dhe aj është i gatshëm me ardhur me punua.

Kryesuesja: Dikush tjetër, nëse nuk ka, shkojmë në votim, konstatojmë me (6) vota për, (0) kundër dhe (0) abstenim rekomandohet për kuvend për miratim, Propozim-vendim për Themelimin e poliklinikës specialistike në kuadër të QKMF-së në Komunën e Skenderajt.

Vazhdojmë me piken 7 të rendit ditës;

-Propozim-vendim për miratimin e raportit përfundimtar, Nr. 09-052/01-0026407/25, i datës 07.07.2025, i hartuar nga komisioni komunal për vlerësimin e dëmeve, si pasojë e fatkeqësive natyrore si (era, zjarri), për periudhën janar-qershor 2025, me Nr.02-052/01-0027799/25, i datës 11.07.2025, (Raporton);

Drejtori i DSHP-së Alban Shala; Fjala përshëndetëse, para vetes e keni Propozim-vendim për miratimin e raportit përfundimtar i hartuar nga komisioni komunal për vlerësimin e dëmeve, si pasojë e fatkeqësive natyrore si (era, zjarri), për periudhën janar-qershor 2025, Dëme janë shkaktuar në bujqësi dhe në ekonomi familjare, në territorin e Komunës së Skenderajt, në vlerë totale prej 217,481.49€, kush ka pyetje jam këtu për përgjigje.

Kryesuesja: e hape debatin nëse nuk ka, konstatojmë me (6) vota për, (0) kundër dhe (0) abstenim rekomandohet për kuvend për miratim Propozim-vendim për miratimin e raportit

përfundimtar, Nr. 09-052/01-0026407/25, i datës 07.07.2025, i hartuar nga komisioni komunal për vlerësimin e dëmeve, si pasojë e fatkeqësive natyrore si (era, zjarri), për periudhën janar-qershor 2025.

Vazhdojmë me pikën 8 të rendit ditës;

-Të ndryshëm; e hap debatin, nëse nuk ka, me kaq e mbyllim këtë mbledhje shihmi në seancë e kuvendit, për date ju njoftojmë përmes emaili, gjitha të mirat.

Procesmbajtësi



Kryesuesja e Kuvendit

